

. bšumaihun d hiia rbia miTab kušTa lTabh umanda d hiia luataihun d bnia šlama
hazin hu raza sidra uaprašta ušuta haita qadmaita d huat mn laqadmia kd
hašib hiia qadmaia uqiriua lmanda d hiia umanda d hiia qiria lhibil ziua
hua alip alip šnia qudamh d mara d rabuta u`tiksia binataihun uhibil `utra
`titlh lmizal `l krun Tura rba d bisra u`l tlata almia d hšuka d qašišia d hirba
lašaqilun unura laklalun ubTupania mia laTabin d hu krun Tura rba d bisra
utlatma ušitin ušita daiuia d minh dairia minaihun mn hanatun daiuia d hu `ur
marh d hšuka šumh d abuia gap šumh ušum hata napša mn bra bukra d hu `ur napqia
hamša unapqia šuba unapqia trisar d hinun srin uarba daiuia umn špita udurdia
d azil luat `mh hua karkum kd hauia btibil almia udaria br spag qarilh uanin
bhailan dilan udhiia ud`utria ubhailh d malka d nhura hadinin b`ruta b`ruta
niha bukra mqaima d anin hašibnin `lh uqrainh bziua dilan d anin malbišnalh
ubnhura d anin mkasinalh ubhaila ušrara d anin iahbinalh umšadrinalh `l bišia
kulhun d lau lbiš mithašbia u`l `ur marh d hšuka d `lauaian mitraurab hazin
`utra d lagiTlh ukabišlh uragilh uasarlh umasarlh larqa titaita d nhaša
umahdarlh šuba šuria d parzla ualma d atia ptahil umasia arqa iaunaiit unagid rqiha
ubania baita umbaTil bišia kulhun d mithašbia lbiš haizak `sura d asrh hibil
ziua l`ur umistar haizak masgia `l kulhun almia d hšuka hibil ziua uazil `l
krun Tura rba d bisra ukul d biš abidbh ukrun Tura rba d basra hauqa udahalta
uziuihta mahuilh lhibil ziua hibil ziua minh ladahil hu minh mitikbiš haizak
amarlh zihrun `utra d hu iusmir kana šumh liadatan gabra d hazin paršigna amar
d mn hiSrh d mara d rabuta npaq bšumh d hanath `utra mitiqrin trin `utria hurinia
adatan uiadatan d biuma d iardna Sabilh lhibil ziua uhinun mitiqrin adiaurh tum
mitqrin šita hurinia šitil uanuš ušilmai unidbai uadakas mana uraza rba d hu
iupin `utra šumh uazal minh ziua rba qadmaia d mn lbušia d mara d rabuta hua
ukulhun almia d nhura ualmia d hšuka miSra mšauilun uahidlun lbabia usaliq `l
gauria uprudqa uraza rba d mn dilan ldilh maluilh ukul daiua qarabtana
d hazilh lhanath prudqa hatim `lh ušaina mšauia bkulhun almia d nhura d miSra
usaka litlaihun kd halin kulhin kasiata ugaliata ana mištaiina uamarna lmar
d rabuta sagidna umšabana umrauribna kd mn hukumta usibruta umn ma d hiia amarlia
hanatin alip šnin huit qudamh d mara d rabuta `l anpai huit rmina hu mara d rabuta
qran uligTan bpras iaminai uaqman mn duktai uhaizak mara d rabuta mn ziuh pras
`lai umn nhurh `hablia utraSlia brišai klil zakuata d luath nahra u`tinSiblun ziuh
unhurh l`utria kulhun u`tinSiblun lbuša l`utria kulhun u`tinSiblh lbuša lmar
d rabuta uhaizak qam mara d rabuta qra liaminh arbaima uarbin uarbia škinata uqra
lsmalh tlatma ušitin ušit škinata uhaizak qra mn kul škinta škinta alip
utmanima alpia ruban `utria d iaqirin ušanin ušanai ziuaihun ubaiar umanhar
nhuraihun d bziuaihun iaqria umanihria pasimkia d manihria lqudamaihun uhaizak kul
škinta škinta pašuba trin naTria d napša utrin pasimkia d manihrin qudama riš
naTria d arbaima uarbin uarbia škinata manu šumh udtlatma ušitin ušit škinata
manu šumh riš arbaima uarbin uarbia škinata barbag `utra šumh d hu azaz`il šuma
udtlatma ušitin ušit škinata anan nSab qarilh d hu taur`il `utra šumh bšumh
d taur`il `utra qra lnapšh briš qrita qadmaita haizak qra kulhun `utria uqam
hu manda d hiia umara d rabuta unhit liardna uqra maSbuta kd d ba miSibh l`utra
zriza `utra sagia umzarza malil iardna rba mn mara d rabuta mištaiia uamarlh
hazin man hu `utra d bgauai dilia Sabatlh d anat dmutak `STbath uhaizak mia
hiia d hiziua lziuh ulnhurh d hibil ziua ulziuh ulnhurh ul`qarh d manda d hiia
umargna d mia hiia d mn iukašar kana `tinSib miTalalia ulakainia sahqia umitapkia kd
aglauata bgauh d sindiriau is iardna rba d hiia haizak mara d rabuta liardna rba
d nimarlh anat iardna rba d hiia nha ukun `l duktak d hibil ziua bgauak niSTba
uhaizak iardna rba d hiia mn malalh d mara d rabuta lapak ulašania mn mimrh kan
iardna d mia hiia uhibil ziua bgauh `STba `STba hibil ziua u`STba minh ahh
trin u`STba arba hurinia d hinun rbia mitqrin Sbinun ltlata `utria d hinun ahh

hinun adiaurh kd Sbinun lhalin kulhun d minh `l d qaiim biardna hu unaSbh mara
d rabuta malil udraš `l iardna uamar briš mia nipqit ubriš mambuhia d hiia
 asgit lka šiknit tlat škinata ušalTit `lauaihun naTria naTria d šalTit `lauaihun
d šanin brikia umqaimia haizak qaima manda d hiia lmaSubuth usliq mn iardna
 ukušTa mn rbia pšaT hu mara d rabuta kd sliq manda d hiia mn iardna htaminun
 lahh d hinun bn̄h uhu mara d rabuta `niana rmalh lmanda d hiia uamarlh ziuak
 taqun unhurak nahur tarmidia bziuak nahria unahra dmutun mn almia lhibil qralh
 uamarlh qal hibil ziuā šamana d malil udariš batar nhur qal šuth d basima
`tiaiarlia libai btušbihta mla `tiaiarlia libai hdat nišmat uhadia urauz
 ruianai usahiq `uSrai mn riš briš sqirna hadina b`bidata d abad hibil ziuā
 utiqnat b`dh̄ mn riš briš naTrh̄ uqaimh̄ uzarzih̄ ubirkh̄ umn Tabuth̄ šra `lh̄ lhibil
`hablh̄ ziuā ulšitil qirih̄ uqaimh̄ uamarlh̄ haslak haslak šitil `utra d tihuia
 šutak mn sahria šutak šutan dilan titlip blaupan ulatipsiq lšitil `hablh̄ nhura
 ulanuš qirih̄ uqaimh̄ uamarlh̄ birkuk arba `utria d bSauat hɔadia iatbia
 uSibuk bmaSbutun umn lbušaihun albšuk lanuš `hablh̄ tuqna uaTpilh̄ bziuh̄ kd ahh̄
 trin malil pasimka rba d manhar bkulhun almia malil d nimarlh̄ lmara d rabuta
 šumh̄ d hanath̄ pasimka iatir iatrun šumh̄ ušumhata tlatma ušitin `tlh̄ uamarlh̄ hazin
 ziuā d manu uhazin nhura d manu uhazin tuqna d manu amarlh̄ hazin ziuā d hibil
 uhazin nhura d šitil uhazin tuqna d anuš `utra d npiš usaka litlh̄ htaminun malka
d nhura hatminun mn riš briš uqrinun lšilmai unidbai umn iaminh̄ asam `lauaihun
 ubrakinun mn birkth̄ uamarlh̄ anin hadinin bhaza dmuta d `tniSbat qiriua lram
 raza uladakas mana uadiaurh̄ nSablun anana kasita d lanihzuna `utria ldmutun
 uamarlun `utria draš b`qarun uanatun rbia b`rutkun hdun hadia urauza anana d nhura
kd ata gabra `l kimSa`tib hatminun malka d nhura ladiaurh̄ ahh̄ d hinun bn̄h hitmh̄
 lsindiriauīs iardna rba d hiia d `niš bgauh̄ lika d miSTba amarlun abadna lTabut
 rbia usadirna lrahmutkun qrainh̄ liardna rba d hiia utlatma ušitin iardnia d hu
 hibil ziuā bgauaihun `STba uhaizak amarlun manda d hiia lrbia d niSbuia hazin bra
 bukra d ana qrit hab lalma d bišia nišadrh̄ amralh̄ dmuth̄ lasaipit d qariatlh̄ brai
 amarlh̄ `u ana laqarinh̄ brai man qarilh̄ brh̄ uamarlh̄ lhibil ziuā riša d kula
 šurbta kd anin ldilak qrainak anat l`utria ahak qria d bginza d hiia nizdahr̄un kd
 masgit lhšuka hails d iauna qalilh̄ nsub haizak hibil asgia azal uhaibinun
 laudia ababbun bduria rurbia mindam d `lauaihun snia hizia lruha d qudša kd
 baTnabh̄ bbura napla baTnabh̄ bmlik hšuka d amria nihuia maraihun d kulhun almia
`laiia umiSaiia utitaiia hzaith̄ lml̄ik hšuka kd abahatai amarlia lruha lhiuat
 nuqubta `mh̄ d bura napla kbašth̄ lml̄ik hšuka d amra`mh̄ nihuia maraihun d kulhun
 almia `lh̄ msaith̄ lmisia rba umarzbana tirSit`lh̄ d bh̄ traSibh̄ alma laTta lhiuat
 nuqubta `mh̄ d bura napla amarnala luTtik ubirktik niuilik ldilik bmnatik
 bn̄ik uptahil `utra nisadruia lhazin alma`lau hašabta d iušamin d asgit luataikun
 atit asgit `tit luataikun umindam d snia bhšuka`bdiit aminTul d ana lahasrit
 ulabiSrit mindam d abahatai amarlia aminTul d bra d abahath̄ lašama haka luataikun
 dilkun mitkatar aminTul d ana šimit uqablit ulakadbit mindam d abahata amarlia
 aminTul d šmata lšutaihun uqabilta uazlit traSta bginzaihun d `utria naTrh̄
d ginza simakh̄ d kulh̄ hikla kušTa nisbit biaminai uasgit lalma d hšuka `ka d qam
 bhaimanuta `ka d napšia katar bdur haškia halin d qam bhaimanuta salqia
 hazilh̄ latar nhur halin d laqam bhaimanuta misap saipia liuma d sup malil uamar
 manda d hiia hazin qraba d hua aminTul iušamin hua aminTul kul `niš d bania baita
 umšauia qamh̄ bit masgda kul man d nib`ia lhazin sidra ulanatn̄h blibh̄ blibh̄
 kšiTa ub`spia mhaïmanata nipsiq mn `uhra d aqamh̄ kul man d natn̄h bliba kšiTa
 ub`spia mhaïmanata šabiq haTaiia uhaubia niuilh̄ mšaba manda d hiia uadiaurh̄
 hibil ušitil uanuš ušilmai unidbai uhiia zakin lalam almia
 sa
 bšumaihun d hiia rbia nukraïia mn almia d nhura iatiria d `lauia ukulhun`ubadia asuta
 uzakuta uhails ušrara u`mra ušima ušabiq haTaiia niuilia ldilia

. ulab
. u`l`m . u`l`m hurintia
. u`l zauai . u`l ahai

. u`l ahai hurinia
. u`l šitlai

. u`l abahatai

. unitriS šumaihun bit
hiia . bšumaihun d hiia nukraiia mn almia d nhura iatiria d `lauia ukulhun
`ubadia